

COMUNICAT DE PREMSA

Lo 27/10/ 2016

LO 20 DE NOVEMBRE : JORNADA DELS DRECHS DE L'ENFANT

CALANDRETA DENÓNCIA LO REFÚS DEL DRECH A LA DIVERSITAT LINGÜISTICA PER LOS ENFANTS DE FRANÇA

FRANÇA : PAÏS DELS DRECHS DE L'ENFANT, MANCA UN !

Lo 20 de novembre venent se debanarà la jornada Internacionala dels Dreches de l'Enfant. Calandreta vòl rementar que sus aqueste sicut França es dins una situacion particulara puòl qu'es lo país dels dreches de l'enfant **mens un** :

Los enfants de França an pas lo drech a la diversitat lingüistica e culturala emai s'es « autoctòna ».

França refusèt de ratificar l'article 30 de la Convencion ; article que ditz « Dins los Estats ont existisson de minoritats etnicas, religiosas **o lingüisticas** o de personas d'origina autoctòna, un dròlle autoctòn o qu'aparten a una d'aquestas minoritats, pòt pas èsser privat **del drech d'aver sa vida culturala pròpria**, de professar e de practicar sa quita religion **o d'emplenar sa lenga pròpria en comun amb los autres membres de son grop** ».

Lo tèxt de la Convencion es largament plancardat dins las escòlas **mas es jamai marcat que nòstra Republica refusèt l'article 30 e lo drech a la diversitat lingüistica**, emai s'es istorica e anteriora al francès.

Lo refús de l'article 30 de la Convencion dels Dreches de l'Enfant es una mòstra, un revelador de la politica constanta de França cap a la diversitat de sas lengas e culturas : refús del drech, denegacion internacionala e publicitat d'Estat messorgièra per amagar l'estofament.

Calandreta demanda la fin del refús del article 30 de la Convencion per donar als dròlles de nòstre país lo drech de viure lor lenga e lor cultura.

Calandreta demanda a las escòlas e federacions de far de delegacions alrèp dels representants locals del Defensor dels dreches e de se mobilizar per far conéisser aquela **situacion inica ont se trapan los enfants de França respècte a la diversitat lingüistica e culturala**.